

13 th Sunday Ordinary Time
Wisdom 1:13-15; 2:23-24
2 Corinthians 8:7, 9:13-15
Mark 5:21-24, 35-43

A. Text/Context

- Gibuhi karon ni Jesus dinhi sa atong ebanghelyo nga atong nadunggan pipila lamang ka gutlo ang milabay ang anak sa usa ka dakong opisyal sa sinagoa nga si Jairo
- Gigunitan lang ni Jesus ang bata ug presto nabuhi na kini
- Nagpamatuod nga si Jesus maoy usa ka Dios nga naghupot sa atong tagsa-tagsa ka mga kinabuhi

B. Human Situation

- Usahay moabot sa atong kasinatian sa kinabuhi nga atong bation nga ang Ginoo murag duol kaayo kanato
- Di ba kon moabot ang mga grasya nga atong gipangayo malipayon kitang moluhod ug magpasalamat kay kita gihatagan
- Ug usahay pud sa mga panahon nga kinahanglan nato ang giya sa Ginoo labi na kung gipangayo nato ang usa ka butang nga kinahanglan kaayo nato
- Kon anaa kita sa usa ka crisis sa kinabuhi, dunay dakong problema; mag-ampo kita nga mahuman na ni ug tagaan kita sa Ginoo ug katubagan sa atong mga kalisod
- Haduol kita sa Ginoo kung daghan ang problema kay magsige man kita ug sangpit kaniya
- Dili gyud siguro nato masinati nga makatitaw kita ug milagro sama sa nahitabo sa ebanghelyo nga gigunitan lang namaayo na. Tagsa na lang kana mahitabo karon
- Apan bisan pa ato gihapon nga bation ang kaayo sa Ginoo
- Ang ubang tawo mosamot kadako ang pagtoo kung panahon sa abunda
- Apan ang uban usab kung anaa na ang tanan makalimot usab sa Ginoo

- Ang uban usab tungod sa kapit-os og kakabus sa kinabuhi nabugnaw na ang ilang pagtoo sa Ginoo
- Nagkadimalas-dimalas na ang kinabuhi, dili na mosimba, dili na mag-ampo kay sige rag pangadye di man maminaw ang Ginoo ug sila nahilayo na sa kiliran sa Dios
- Lain-lain ang reaksyon sa katawhan. Dautan man o maayo ang nahitabo sa kinabuhi mahitabo gihapon nga ang usa ka tawo mabugnaw o modako ang pagtoo sa Ginoo. Wala gyuy kabutangan ang Ginoo sa atong kinabuhi
- Nasayud ba kamo nga si San Francisco niadtong taliabot na ang iyang kamatayon maglisod na gayud siya pagpangita ug panahon sa pag-ampo, kay hapit na siya mabuta tungod sa mga pagpuasa nga labihan na kaayo ang kadaut sa iyang lawas
- Sa panahon nga siya mag-inusara moadto siya sa langub aron mag-ampo apan dili siya motuhay sa pag-ampo ug pamalandong kay sigehan ug paak sa mga ilaga ang iyang mga tudlo
- Ug didto, misinggit siya nga gusto na niyang mamatay
- Apan unsay nahitabo? Miabot ang usa ka anghel nga nagdala ug violin ug niingon kini kang Francisco nga tugtugan siya ug musika aron mahupay ang iyang mga kasakit
- Apan sugod pa lang sa pagtugtog sa anghel niingon si Francisco nga undanga na na
- Ngano man? Pangutana sa anghel. Nitubag si Francisco: Tungod sa kahawot sa musika murag mobuwag na ang akong kalag sa akong lawas
- Malipayon si Francisco nga misenyas sa anghel aron moundang na kini. Dili pa gayud diay niya buot nga mamatay
- Ang buot nako ipasabot mga kaigsoonan nga ang kalipay sa langit wala ra sa kumingking kung itandi nato sa mga kalipay sa yuta
- Mao gihapon, ang kasakit sa impiyerno wala ra usab sa kumingking kun itandi nato sa mga kasakit dinhi sa kalibutan

- Buot pa gayud ipasabot, kining mga pagsulay sa kinabuhi mahuman ra na. Ato kanang maapsan sa pag-abot sa panahon, dili kana permanente. Labot pa usab, ang mga pagsulay dili kana ipadala sa Ginoo kon dili kita makakaya niana
- Ang kalipay ug kasakit mag-uban man gyud na dinhi sa kalibutan
- Dili mahimo nga kita kanunay ra nga makatagamtam sa kalipay tibuok kinabuhi
- Kay ngano? Wala man gyud mag-ingon si Jesus nga sa imong pagpuyo dinhi sa kalibutan usa kini ka paraiso
- Wala mosaad ang Ginoo niana. Moabot kanang panahona kung mobalik na si Jesus nga atong Ginoo
- Dili usab mahimo nga pulos na lang kasakit ang modangat kanato. Ipha ang inyong mga bendisyon ug mga grasya nga miabot sa inyong kinabuhi
- Ma sorpresa mo kay mas daghan ang kaayo nga inyong nadawat kaysa kasakit nga inyong natagamtam

kaniya nga mohatag sa mga pagsulay kay siya usab ang tinubdan sa mga pagsulay aron madalisay kita sa atong pagtuo

- Kon atong gipangayo sa Ginoo ang kaabunda sa atong kinabuhi, mao gihapon, mangayo kita kaniya nga dili kita itugyan sa panulay, nga dili kita tagaan ug daghang mga pagsulay
- Ug sama sa pagbuhi niya sa anak ni Jairo kita usab tagaan sa kinabuhi ug kalipay gikan sa mga kasakit

C. Challenge

- Busa gihagit kita sa atong ebanghelyo karon nga ang Ginoo nagauban kanato sa kanunay sa sa panahon sa kalipay ug kasakit
- Ang kamatuoran nga ang Ginoo anaa kanunay sa atong kiliran bisan unsang sitwasyon sa kinabuhi
- Ug usa usab ka kamatuoran nga kita ibutang gayud sa mga pagsulay aron kita malinis sama sa bulawan nga gitubog sa kalayo
- Kanang panahon nga dili ta ganahan mosimba, di na ganahan mangadye moagi ra kana
- Kay mao gihapon ang abunda ug kasakit molabay ra gihapon sa dugay o dali nga panahon
- Tan-awa ang ika 2 pagbasa 2 Corinto, kon kamo naabunda ang Ginoo nagpakakabus usab aron madato kamo
- Ang leksyon sa atong ebanghelyo karon nga ang Ginoo tinubdan sa tanang kaayo ug bendisyon; ug dili usab kita makapugong